

Primera carta de San Pedro

Dios ĩ beseanare Pedro ĩ papera cõare gaye

1 ¹Ñati Dios ĩ beseana m̄ua. Yũ ña Pedro adi muare papera cõagũ. Jesucristo oca quenarise yũ gotitoni yũre cũquĩ ĩ. Mani ya sitare wago ãmõbitibõjarãti gajeroju ña batea mani. Tite. Ponto sitaju, Galacia sitaju, Capadocia sitaju, Asia sitaju ito yicõri Bitinia sitaju cuni ña batea mani. ²Jane mejeju mani Jacũ Dios ĩ tũõĩa yurisenã ĩ ñarã mani ñatoni manire beseñi ĩ. Ito yicõri Espiritu Santona sũoriti ĩ rãca mani usi cutiroca manire yĩni Dios. Ito bajiro yĩni Dios, Jesucristore mani cuditoni, ito yicõri mani ñeñaro yirisere ĩ ya rĩna ĩ coetoni. Muare yiari Diore busia yũ. Muare ĩ queno ejabuatonni, ito yicõri m̄ua ya usiju queno wanũ quenaro m̄ua ñatoni, Diore busia yũ ĩja.

Yũ godaja tudi catigu yigũja yũ, yi tũõĩa wanũ yure gaye

³“Queno ya Dios m̄u. Rẽtoro quenagũ ña m̄u”, mani Hju Jesucristo Jacure yiana mani. Manire bũto ti maicõri manire Cristo ĩ goda ĩsitoni ĩre cõañi Dios. Ito yicõri Cristo ĩ godaja bero m̄ucana tũdi ĩ catiroca yĩni Dios. Ito ĩ yijare mama usi cutirã tũdi rujeanare bajiro bajirã ña mani. Ito bajiri: “Catitiñagũ yigũja yũ”, yi tũõĩa mani ĩja. ⁴Manire ĩsirocũ quenarise seo cũguĩji Dios ũmacũju. Jõgarise meje ña. Ito yicõri jedirise meje ña. Quenarise ña iti. Ito bajiri ñeñarise godo wedibetoja Dios manire yiari ĩ seo cũre. “Īja itire boca ãmicũja yũ”, yi tũõĩa mani. ⁵Diore mani tũorũnurã ñajare, ĩ masirisenã manire codegũ yigũji. Ito yicõri manire masogũ yigũji Dios, catitiñaroju mani ejatoni. Ito bajiro ĩ yijare susari rũmũ jeyaro quenarise ĩ seo cũre manire ĩsi jeorocũ ñacãgũ yigũji Dios.

⁶Itire tũõiacõri, bũto wanũ quenarũja manire. Ito bajibõjarocati adi sitaju Jesucristore mani tũorũnurã ñajare, mani tõbũjaroca yirã yirãji gãjerã. ⁷Ito bajiro tõbũjarã yirãji mani, “Jesucristore queno tũorũnurã ñari ĩre jidicãmenaji ña”, gãjerã ña yi tũõiatoni. Goti masiore ocana muare gotigu ya yũ. ¿Oro quenarise gũtare quenore masiati m̄ua? Oro quenarise ña ãmoja iti gũtare roama ña. Ito bajiro ña yija quenarise riti

rêta budiroja. Ito bajiro tōbujarã ñabojarãti Cristore mani jidicãbeja, ija buto busa ïre t̃uo rêta budirã yirãji mani. Buto waja r̃ucurise ñabojarocati g̃uda wiaro yiroja oro. Dios ï tija oro rêto busaro waja r̃ucua mani. Ito bajiri, “Yure tuor̃uñurã ñari, queno yirã ña mua. M̃uare buto wañua yu”, yigu yiguji Dios manire, Jesucristo m̃ucana ï goãori rum̃u.

⁸Jesucristore tiãmena ñabojarãti ïre maia mua. Ito yic̃ori adi rum̃uri ïre timena ñabojarãti ïre tuor̃uñua mani. Ito bajiri queno wañu quena mani. Buto wañu rêtoc̃uc̃ori, “Itoc̃o wañua yu”, yi masibea mani. ⁹Ito yic̃ori ïre mani tuor̃uñuja manire masog̃u yiguji Dios. Ito bajiri, “Ï t̃uj̃u ùmac̃uj̃u ejaɣu yig̃uja yu”, yi t̃uoia mani.

¹⁰Jane mejeju Diore goti isiri masa ado bajiro gotiyoyijarã ñna: “Masare ti maic̃ori ñnare masog̃u yiguji Dios”, yiyijarã ñna. Ito yibojarãti, Dios masare ï masoroti gaye queno t̃uo masibisjarã ñna maji. “Ado bajiro yic̃ori masare masog̃u yiguji Dios”, yi masibisjarã. Ito bajiri itire riasotic̃ori ruje t̃uoïayijarã ñna. ¹¹Ija rêtaroti gaye ñna goti masitoni Esp̃iritu Santore c̃oayiju Cristo. Ito bajiri Cristore masimena ñabojarãti ï t̃obujac̃ori yuc̃ut̃eoj̃u ï godaroti gayere goti yuyijarã ñna, Diore goti isiri masa. Ito yic̃ori m̃ucana t̃udi catic̃ori Dios t̃uj̃u r̃ucub̃uoadoj̃u Cristo ï ñaroti gaye goti yuyijarã ñna. Itire gotiana ñabojarãti, “¿Ñim̃u ñag̃u yigujiida Dios ï c̃oaroc̃u? Ito yic̃ori ¿noc̃ata ejaɣu yigujiida ï?” ruje yi t̃uoïabojayijarã ñna. ¹²Ito yi, ñna t̃uoïarocati, “Itire timenaji mani. Mani bero g̃ana ñna ñaroca rêtaro yiroja iti”, yi t̃uoïayijarã ñna m̃ucana. Ito bajiro ñna yi t̃uo masiroca yiyiju Dios. Adi rum̃uri Esp̃iritu Santore c̃oayiju Dios ï oca gotiri masa manire ñna riaso masitoni. Ito bajiri iti oca quenarise rêtaja bero tuorã ña mani. Dios ñaro g̃ana ángel mesa iti ocare buto t̃uo ãmoama ñna c̃uni, quenarise iti ñajare.

Diore bajiro quenarise riti yija quena, yire gaye

¹³Iti oca quenarisere t̃uo masirã ña maniam̃a. Ito bajiri iti oca tuoc̃ori mec̃ure mano queno t̃uoïaruja manire, Diore mani c̃udi masitoni. Jabeto r̃uya maji Jesucristo ï t̃udi ejaroti rum̃u. Ito bajiri ña yuc̃aruja manire. Ito yic̃ori, “Manire queno yigu yiguji Dios”, yi t̃uoia jidic̃abitiruja mani. ¹⁴Dios r̃ia ñac̃ori ïre queno c̃udiruja mani. ïre mani masiroto riojua ñeñaro yic̃u mani maji. Itire t̃udi yi ñyabitiruja manire. Itire t̃udi t̃uoïabitiruja mani, ñeñaro mani yibe yirona. ¹⁵Ado bajiro baja. Dios, manire beseru quenarise riti yigu ñami ï. Ito yic̃ori cojireama ñeñarise yĩag̃u meje ñami. Ito bajiri ïre bajiro quenarise riti yiruja manire c̃uni. ¹⁶Ado bajiro gotia Dios oca tuti: “Cojirea ñeñaro yĩabic̃u ña yu. Ito bajiri ñeñarise yibesa mua c̃uni”, yi uca rotiyiju Dios.

¹⁷Diore mani busija, “Yu Jacu”, ya mani ïre r̃ucub̃uorã. Ï yiro bajiroti yigu ñami Dios. Ito bajiri masa ñna ñeñaro yirise waja Dios ï seniri rum̃u mani yiado bajiroti waja senig̃u yiguji Dios manire. Itire mani t̃uoïaja quena. Ito bajiri Diore r̃ucub̃uorã adi sita mani cati ñaroc̃o queno yi ñaruja manire. ¹⁸⁻¹⁹Jane mejeju

mani ñicusabatia ña ñeñaro yirisere coe ãmorã ado bajiro yiyijarã ña. Oveja quenagũre sãacõri soe ñisotiyijarã, Diore yiari. “Mani ñicusabatia ña yiado bajiroti mani yija mani ñeñaro yirise jedibetoja”, yi tuoïa mani. Mani ñeñaro yirise waja ñ waja yi ñsitoni ñ Macure cõañi Dios. Ito bajiri, “Niyeru jogarisena meje mani ñeñaro yirise waja, waja yi ñsiñi Dios”, yi tuoïa mani. Ado bajirojũa bajia. Ñ Macu Cristo ñeñaro yĩabicu ya rina waja yi jeoñi Dios manire yiari. Waja rucurisena mani ñeñaro yirisere waya yi ñsiñi Dios. ²⁰Jane mejeju adi macãrucũro ñ rujeoroto riojuaju, manire yiari ñ Macure cõarocu tuoïa yucãyijũ Dios. Ito bajiri adi rumuri ñja, “Yũre masorocu ejañi Cristo”, yi tuoïa mani. ²¹Manire masorocu manire goda ñsiñi Cristo. Dioti ñami Cristo ñ tũdi catiroca yiru, ito yicõri ñ tũju rucubuoadoju Cristore cũru. Ito bajiro ñ yijare Diore tuorũnua mani. Ñre tuorũnucõri, “Dios tũju catitiñagũ yigũja yũ”, yi tuoïa mani.

²²Cristo oca quenarise cudirã ña mani. Ito yicõri ñeñaro yirise jidicãcõri Dios rãca sigũre bajiro usi cutirã ña mani. Mani ti terisere jidicãcõri sigũ riare bajiro bajirã Diore masirãre mairũja manire. Maibitibo jaguti, “Gãjerãre bũto maia yũ”, yire ma. Riojoti mani gãjerãre bũto maia quena. ²³Jogarise meje ña Dios oca. Ñatĩñaro yiroja ñ oca. Dios ocare tuorũnucõri mame tuoïarã ña mani. Mame tuoïarã ñari tũdi rujeana robo bajiro bajirã ña mani. Ito bajiri catitiñarã yirãji. Mani ya usi godabeto yiroja. ²⁴Ado bajiro gotia Dios oca:

Siniacõri godaroja ta. Masa cuni ña ñarocõti godarã yirãji. Go cuni quenarise ñabojaroti sinia quedicoaro yiroja. Ito bajicõri quenarise iti ruyuja bero ruyubetoja ñja. Itoti bajirãji masa cuni. Ña jeyaro godarã yirãji, ñasarã ñabojarãti.

²⁵Mani Uju ocama ñatĩñaro yiroja, yi gotia Dios oca tuti. Ito bajiro Dios oca riasotiri masa ña gotija tuocõri: “Iti ña Cristo oca quenarise”, yi tuoïa mani ñja.

2 ¹Iti oca tuorũnucõri Dios rã ña mani. Ito bajiri jeyaro mua ñeñaro yirise jidicãña. Gãjerãre ruobesa. Ito yicõri socabesa. Gãjerã ya gajeoni ti uobesa, ito yicõri gãjerãre busitubesa. ²⁻³“Yũre ti maicõri, Queno yiquĩ Dios”, yi tuoïa mua. Ito bajiri jaibicuacã ñju ãmosotiro bajiroti Dios oca quenarisejuare riti riasotiya mua. Jaibicuacã ñ ñjutĩñaja quenaro bucũaguĩji. Mua cuni Dios ocare mua riasotitiñaja ñre queno masirã yirãji mua. Ito yicõri Dios rãca sigũre bajiro usi cuticõri ñ ãmorisere cudirã yirãji mua.

Gũtagã ñasaricare bajiro bajigu ñami Cristo, yire gaye

⁴Queno tuoya. Goti masiore ocana muare gotigu ya yũ. Gũta wi meniri masa gãtagãre ti cõiacõri, “Ãmobeã itigare”, yiyijarã ña. Ito bajibojarocati gãji itiga gãtagãre ti cõiacõri, “Gaje gũta rãtoro quenarica ña itiga. Ãmoã yũ”, yiyijũ ñ. Ado bajiro bajia yireoni ña iti oca. Cristore ãmobicõri, “Gua uju meje ñami ñ”, yiyijarã mani uju mesa. Ito bajibojarocati Cristore bũto ãmocõri ñre beseyijũ Dios, manire masorocũre. ⁵Dios beseru ñari ñre bajiroti mani usi cuti ñaja quena. Manire cuni beseñi Dios, Cristo rãca sigũre bajiro mani usi

cutitoni. Ito bajiro Dios ejabuarise rãca queno Cristo rãca usi cutiruja mani. Manire Dios ĩ wanutoni ĩ ãmoro bajiro mani yija quena. Cristo ĩ ejabuarise rãca gãjerãre ĩ oca gotiruja mani. Ito yicõri gãjerãre yiari Diore busiruja mani. Ito bajiro yiruja mani Cristo ĩ ejabuarisena, Dios ĩ wanutoni. ⁶Itire yi ucayiju Diore goti ĩsiri masu. Gaje ado bajiro ucayiju, Dios busirise gotigu:

Síon wame cutiri cutoju yu Macure cúa yu. Gũta quenarica robo bajiro bajigu ñami ĩ. Gũta wi menisurona gũta quenaricare beseama gũta wi meniri masa. Iti bajiroti, yu ñarã uju ñarocure yu Macure uju besecu yu. ĩre buto maia yu. No ĩre tuorũnugũti bojori bujabiquiji. Buto wanu quenagũ yiguji, yiyiju Dios, yi ucayiju Diore goti ĩsiri masu.

⁷⁻⁸Mani Jesucristore tuorũnurã ñari ĩre buto maia mani. Mani tija ñasagu ñami ĩ. Itire gotigu ado bajiro ucayiju Diore goti ĩsiri masu:

Gũta wi meniri masa gũtagãre ti cõiacõri, “Ãmobeia itigare”, yiyijarã ĩna. Ito bajibojarocati gãji itigare ti cõiacõri, “Ñasarica ña itiga. Ãmoa yu”, yiyiju ĩ.

Ito bajiro yi gotia Dios oca tuti. Ado bajiro baja yireoni ña adi oca. Jesucristore tuorũnubicu ĩre maigũ meje ñami ĩ. ĩre cudigu meje ñami iocũ. Ito bajiri Dios ĩ gotiado bajiroti godagu yiguji. Itire gotigu ado bajiro ucayiju Diore goti ĩsiri masu:

Gũtana sũgũ ĩ juata quedija juniroja ĩre, yi gotia Dios oca.

Ado bajiro baja yireoni ña adi oca. No Cristore tuorũnubicuti godagu yiguji.

⁹Ito bajiro bajirã meje ña maniamã. ĩ ñarã mani ñatoni manire beseñi Dios. Dios mani Ujũre gãjerã ĩna masitoni ĩ oca riaso ãmoa mani ĩnare. Ñeñaro yirise ĩ coeana ñari Dios ñarã ña mani ĩja. Ito bajiri jeyaro queno ĩ yirise gotiruja mani. Rãitũaroju ñarãre bajiro ñeñaro mani yi ñaroca manire jiñi Dios. Ito yicõri manire boca ãmicõri manire masoñi ĩ. Ito bajiri ĩ rãca busuroju ña mani ĩja. Iti oca quenarise gãjerãre mani gotitoni manire cũñi Dios. ¹⁰Iti rumu Dios ñarã meje ñayija mani maji. Adi rumurijuama ĩ ñarã ña mani ĩja. Iti rumu, “Yũre ti maiami Dios”, yi tuoĩabisija mani maji. Adi rumurijuama, “Yũre buto ti maiami Dios”, yi tuoĩa mani ĩja.

Dios ĩ ãmoro bajiro riti yija quena, yire gaye

¹¹Yu ñarã mũare buto maia yu. Adi macãrucũroju ña ucurã ya mani. Umacũju Dios tuju ña mani ñasaroto. Ito bajiri ado yu busirisere queno tũoya mũa. Jeyaro mũa ñeñaro yi ãmorisere tuoĩa uyabesa. Mũa ya usina itire mũa tuoĩa uyaja ñeñaro yirã yirãji mũa, rãmũ ĩ ãmoro bajiro. ¹²Diore masimena wato ña mani. Mani yirisere tisotiamã ĩna. Ito bajiri ĩna wato ñacõri queno yi ñaruja manire. Manire ñeñaro busituborãji ĩna. Ito bajibojarãti mani queno yirisere tigoana ñari, Diore tuorũnu ãmorã yirãji ĩna gajea. Ito bajiri Dios ĩ tũdi ejari rumu, “Rẽtoro quenagũ ñami Dios”, yirã yirãji ĩna, ĩre rucubũorã.

¹³Dios ñarã mani ñajare uju gobierno ĩ rotirisere queno cudiruja mani. Ito bajiro mani yija, “Queno cudirã ñama Dios ñarã”, yirã yirãji gãjerã. ¹⁴Uju gobierno ya

ejabuari masare cūni queno cūdiruja mani. Īna ñama ĩ cūana. Ñeñaro yirāre waja senitoni ĩre ejabuari masare cūñi ĩ. Ito yicōri queno yirāre, “Queno ya m̃”, ĩna yitoni ĩre ejabuari masare cōañi ʋjũ gobierno. Ito bajiri ĩ cōana ñajare queno cūdiruja mani ĩnare. ¹⁵Ito bajiro mani cūdija, Dios ĩ āmoro bajiro queno yi ñarā yirāji mani. Ito bajiri manire rocati busituboana ñe busi masimenaji ĩna. Ito bajiri Dios ĩ āmoro bajiroti ĩna busitubojaris susacoaro yiroja ĩja.

¹⁶Dios ñarā ña mani. Ī sīgūti ñami mani ʋjũ ñasagu. Ito bajiri ĩre wanrã, mani āmoro bajiroti yibitiruja mani. “Dios yagu yũ ñajare yũre waja senibiquĩji. Ito bajiri yũ āmoro bajiro yicuja yũ”, yi t̃uoĩabitiruja manire. ĩre cūdiruja mani. Ito yicōri ĩre cūdi āmorā ñari, ĩ āmoro bajiroti yi ñarā yirāji mani. ¹⁷Ito bajiri masa jeyarore corocō mani ti r̃uc̃b̃uaja quena. Jesucristore masirāre mani b̃uto maija quena. “R̃etoro masigũ ñami Dios”, yi t̃uoĩarã ñari, ĩre queno r̃uc̃b̃uoruja mani. Ito yicōri ʋjũ gobierno ĩ rotirisere cūni cūdiruja manire.

Ī t̃ob̃ujaroca yianare g̃amebisijũ Cristo, yire gaye

¹⁸M̃ua g̃ajerāre moa ĩsirã, queno t̃uoya. M̃uare busigu ya yũ. M̃ua ʋjarāre queno r̃uc̃b̃uoya. Ito yicōri ĩna yiro bajiro cūdicōri ĩnare queno moa ĩsiña. Ito bajiro yiya m̃ua Dios ñarā ñari. Tere mano m̃ua ʋjarã ĩna rotija ĩnare queno cūdiya m̃ua. M̃uare terã ĩna rotija cūni, ĩnare queno cūdiya m̃ua. ¹⁹⁻²⁰Ito bajiro m̃ua yija ticōri, m̃uare wanugũ yiguĩji Dios. M̃ua ʋjarāre queno m̃ua yibojarocati m̃ua t̃ob̃ujaroca yirã yirāji coriarã. ĩnare m̃ua ti tebeja m̃uare wanugũ yiguĩji Dios. Ito bajibojarocati m̃ua ʋjarāre m̃ua ñeñaro yija m̃ua t̃ob̃ujaroca yirã yirāji ĩna. Ito bajiro yirāji ĩna, m̃ua ñeñaro yirise waja yirã. Ito bajiri ado bajiro t̃uoĩabesa m̃ua. “Queno yicũ yũ. Yũ t̃ob̃ujaroca yigure tebiticu yũ. Ito bajiri yũre wanugũ yiguĩji Dios”, yi t̃uoĩabesa m̃ua. M̃ua ʋjarāre ñeñaro yigoana ñajare m̃uare wanubiquĩji Dios. ²¹Ito bajiri m̃ua t̃ob̃ujaja ñemecutiya m̃ua. Ito yicōri g̃amebesa m̃ua. Ito bajiro rotiami Dios mani yitoni. Cristo cūni manire yiari t̃ob̃ujayijũ. Ito yicōri ĩ t̃ob̃ujaroca yianare g̃amebisijũ Cristo. Ito bajiro yiyijũ Cristo ĩre bajiro mani ña masitoni. ²²Cojireama ñeñaro yĩabisijũ Cristo, ito yicōri cojireama r̃uoĩabisijũ ĩ. ²³Masa ĩre ĩna busituja ĩnare busitu g̃amebisijũ Cristo. Ito yicōri ĩ t̃ob̃ujaroca yianare, “M̃uare g̃amecujã yũ”, yibisijũ Cristo. Ito bajiro yigũ meje ñayijũ Cristo. Ī Jac̃ure queno t̃uor̃ũnc̃ōri ĩre bajiro usi cutiyijũ Cristo. Ito bajiri, “Yũ Jac̃ũ ĩ ñami masa ñeñaro ĩna yirise waja queno seni masigũ”, yi t̃uoĩayijũ ĩ. ²⁴Īmasiti mani ñeñaro yirise waja yi ĩsigũ yucut̃eojũ godañi Cristo. Ito bajiro manire yi ĩsiyijũ ĩ mani ñeñaro yirisere jidic̃c̃ōri mani tudi ñeñaro yibititoni. Ito yicōri Dios ĩ āmoro bajiro mani yi masitoni manire goda ĩsiñi Cristo. Manire yiari ĩ godajare mani ñeñaro yirisere ācabojogũ yiguĩji Dios. Ito bajiri manire masogũ yiguĩji mani catitĩnaton. ²⁵Queno t̃uoya. M̃uare goti masiore ocana m̃uare gotigũ ya yũ. Oveja coderi masa ĩna manija rocati ña ucuama ĩna. Ito bajiro rocati ñabojayija mani cūni Cristore mani masiroto riojũ. Adi r̃um̃riama mani ñeñaro yirise jidic̃c̃ōri Cristo r̃aca sigũre bajiro usi cutirã ña mani ĩja. Īti ñami mani ya usi godabe yirocũ manire codegũ, ito yicōri manire tir̃ũnugũ.

Ado bajiro ñaja quena manojos cutirã, yire gaye

3 ¹⁻²Romia queno tuoya mua. Muare cuni busigu ya yu. Temenati mua manujusabatiare queno cudiya. Mua manujusabatia coriarã Diore tuorũnũbeama ña. Ito bajiri Dios oca mua goti amobojaja tuo amobeama ña. Biyaro mua gotija, “Quejoro yamo yu manojos”, yi tuoĩarã yirãji mua manujusabatia. Ito bajiri usirioro yibesa. Ado robojua mua yija quena. Mua manujusabatiare queno cudiya mua. Ito yicõri Diore rucubucõri quenarise riti yi ñaña mua. Ito bajiro mua yija ticõri, Diore tuorũnũ amorã yirãji ña gajea. Ito yija Dios oca mua gotimena ñabojarãti mua queno yirise ticõri Diore tuorũnũ amorã yirãji gajea mua manujusabatia. ³Ado bajiro tuoĩabojama romia coriarã. “Queno seyogo ñamo”, gãjerã ña yitoni, yu ya joa queno sirocoja yu. Ito yicõri jeyaro quenarise yu ye busacoja yu. Saya cuni quenarise sãñacoja yu, “Seyogo ñamo”, gãjerã ña yitoni. Ito bajiro yi tuoĩabesa mua. ⁴Dios ï tija seyorã mua ña amoja, ado bajiro mua yija quena. Queno usi tija quena ñaña mua. Mua manujusabatiare queno cudiya. Ito yicõri ña rãca gãmeri tudibesa mua. Mua tuoĩaro bajiro riti yibesa. Mua queno yirise gaye jedibetoja. Iti ña ñasarise Dios ï tija. ⁵Jane mejeju ito bajiro yiyijarã romia Diore tuorũnũana. Dios ï amorise yi amorã ña manujusabatiare queno cudiyijarã ña. Ito bajiri seyorã ñayijarã ña, Dios ï tija. ⁶Ito bajiro queno cudigo ñayijo Sara ñayoro. Iso manuju Abrahamre queno cudiyijo iso. Ñ yago ñari, “Yu yu”, yiyijo iso ñre. Iso ñayoro bajiro queno yiya mua cuni. Ito yicõri iso bajiro Diore tuorũnũcõri ñejuã tuo güibesa mua. Ito mua yija Sara ñayoro bajiro bajirã ña mua. ⁷Mani ñmua tuoya mani ye cuni busigu ya yu. Mani godabe yirocu manire ti maicõri manire masoñi Dios. Ito bajiroti masoñi Dios mani manojosãromiare cuni. Ito bajiri mani manojosãromia ña queno ñatoni ñnare queno yiruja mani. “Yucõ seõgõ meje ñamo yu manojos”, yi tuoĩacõri, mani manojosãromiare ejabuaruja manire. Ito yicõri ñnare rucubucõrija mani. Ito bajiri mani manojosãromia rãca queno usi cuti ñaruja manire. Ña rãca ñeñarise mani oca cutija queno Dios rãca busi masimenaji mani.

Queno yirã ñari tõbujarã yirãji mani, yire gaye

⁸Muare yu gotiroti jabeto ruya maji. Ado bajirojua baja. Sīgũre bajiro mani usi cuti ñaja quena. Dios rĩa ña mani. Ito bajiri sīgũ rĩare bajiro mani gãmeri majia quena. Ito yicõri bojoro bujarãre ejabuaruja manire. “Rẽtoro quenagũ ña yu”, yi tuoĩabitiruja manire. ⁹Manire gãjerã ña ñeñaro yija ñnare gãmebitiruja mani. Manire gãjerã ña busituja ñnare busitu gãmebitiruja manire. Ado bajirojua mani yija quena. Manire ñeñaro yirãre cuni queno yiruja manire. Ito yicõri ñnare yiari Diore busija quena. Ito bajiro queno yiruja mani. Dios ï rotiro bajiro mani yija queno yigu yiguji Dios manire. ¹⁰Itire gotigu ado bajiro ucayiju Diore goti ñsiri masu:

No co rumu ruyabeto quenaro ña ãmogũti ñeñaro busibiquĩji, ito yicõri ruobiquĩji.

11 Ñeñarise jidicãcõri quenarise riti yiguĩji ï. Gãjerã rãca queno ï ña ãmoja, ñnare queno yiguĩji.

12 Ado robojua bajaia. Queno yirãre tirũnugũ yiguĩji Dios. Ito yicõri ïre ña busija, tuogu yiguĩji Dios. Ñeñaro yirãreama ñnare queno ti tujabiticõri ñnare waja senigũ yiguĩji Dios. Ito bajiri quenarise yiruja mani ïja, yi gotia Dios oca.

13 Quenarise mani yi ãmosacõja, noajua gãjerã mani ñeñaro tõbujaroca yirã jãjarã manaji. 14 Ito bajibojarocati mani tõbujaja mani queno yirã ñajare mani wanuroca yigu yiguĩji Dios. Ito bajiri manire ñeñaro yi ãmorãre gãlbitiruja mani. Ito yicõri tuoia oca jaibitiruja manire. 15 Ado bajirojua mani yija quena. Cristore rucubucõri, “Ï yu Uju ñari, yure codegu yiguĩji Cristo”, yi tuoiaruja manire. Ito yija, “¿No bajiati Cristore mua tuorũnurise?” gãjerã ña seniãaja, “Ado bajirojua bajaia”, mani yitoni queno bocatiari ñacãruja manire. Ito yicõri ñnare ti maicõri queno rucubucõre rãca ñnare cudiruja mani. 16 Ito yicõri, “Seti ma yure”, mani yi masitoni quenarise riti yiruja manire. Cristo ñarã ñari quenarise riti yiruja mani. Ito bajicõri manire gãjerã ña busituja, “Burãti yama ña”, yi tuoiarãji gãjerã. Ito bajiri manire busituri masa bojori bujarã yirãji ña. 17 Ado bajiro bajaia, queno tuoia. Ñeñaro mani yija bero mani tõbujaja, iti ña mani ñeñaro yirise waja. Ito bajibojarocati queno yirã ñabojarãti mani tõbujarise Dios ï camotabeja, “Iti ña Dios ï ãmorise, ito bajiri quenarise ña”, yi tuoia mani.

18 Queno yigu ñabojagati tõbujayija Cristo cuni. Ito bajiri queno yirã ñabojarãti mani tõbujaja, manire yiari Cristo ï tõbujare gayere tuoiaruja manire. Ado bajiro bajaia. Ñeñaro yĩabicũ ñayijũ Cristo. Ito bajibojarocati mani ñeñaro yirãre goda ïsiyijũ ï, manire yiari. Dios rãca mani sigũre bajiro mani usi cutire ãmoyijũ Cristo. Ito bajiri mani ñeñaro yirise waja, waja yi jeorocũ manire goda ïsiyijũ ï. Ï ya ruju godabojarocati ï ya usiama godabisijũ. 19 Ito yija ñeñaro yigoanare busirocũ ña tõbujadoju ï ya usina wayijũ Cristo. Itoju ejacõri jeyaro ï yigore ñnare gotiyijũ Cristo. 20 Ito ñayoana, Noé ñayorure tuo ãmobitiana ñayijarã ña. Yoari Noé ï cuma bucua meniroca ña cudijaro yirocũ bocatibojayijũ Dios. Cudibisijarã ña. Ito yicõri cuma meni tiocõri cumaju sãjayijarã ña. Noé, ï manojo, ï rãa, ï jãjosãromia cuni sãjayijarã. ña rujabe yirocũ ñnare riti masoyijũ Dios. Udia ãmojeno ñayijarã ña ñarocõti. 21 ñnare ï masoado bajiro manire cuni masoñi Dios, Jesucristo ï goda ïsirena suoriti. “Diore cudirã ñama”, gãjerã ña yitoni idé gu rotia mani. Rujũ ueri coerona meje idé gu rotia mani. Ñeñaro mani yirise jidicãja bero ado bajiro Diore busia mani. “Queno ya mu. Yure masoyija mu. Mu Macũ Jesucristo yu ñeñaro yirise yure waja yi ïsirocũ yure goda ïsiñi. Ito yicõri yure masorocũ tũdi catiñi ï”, Diore ya mani idé gure ãmorã. 22 Tũdi caticõri ãmacũju Dios rãca ñagũ wayijũ Jesucristo. Ito yicõri Dios ya riojocaduja rucubucõraju ñaguĩji ï ïja. Ito bajiri ángel mesa ña ñarocõti Jesucristore rucubucõrãji ña. Ito yicõri ãmacũju gãna ujarã ñasarã Jesucristore rucubucõarã, “Gua Uju ña mu”, yirãji ña cuni Jesucristore.

Dios masirise boca ãmiana ñari ricati riti moa masia mani, yire gaye

4 ¹Adi sitaju ñagũ tũbujayiju Cristo. Ito bajiri, “Ïre bajiroti tũbujagu yigũja yu cuni”, yi tũoãcõri, tũbujarona tũoĩa ñacãruja mani. Ado bajirojua baja. Tũbujacõri Jesucristore buto busa mani tũoĩa, ñeñaro yi ãmomenaji mani. ²Ito yicõri ñeñaro yi ãmori masare bajiro yimenaji mani. Ito bajiri mani catirocõ Dios ï ãmoro bajiro yirã yirãji mani. ³Iti rumu Cristore mua masiroto riojua jeyaro ñeñarise mua yi ãmoro bajiroti yiyija mua maji. Mecuyija mua. Ito yi mecucõri rocati ñeñaro yiyija mua. Mua rujeoanare buoro rucubuyija mua. Itocõ mua ito yirise jidicãruja muare ïja. ⁴Iti rumu mani ñeñaro yiado bajiro yibea mani adocãta ïja. Mani baba mesa ñagoana rãca mani ñeñaro yi ãmobeja manire tudirã yirãji ïna. Ito bajiri ïnare mani cudibeja rocati manire busi ajarã yirãji. ⁵Manire ïna ajabobarocati ïnare gãmebituraja manire. Ito bajiro ñeñaro ïna yirisere masiami Dios. Manire ajagoana ñari ïna ñeñaro yirise goti rãtorã yirãji ïna Diore. Yoari mejeti masa jeyarore ïna ñeñaro yi uyarise waja senigũ yiguuji Dios. Catirãre cuni, godanare cuni waja senigũ yiguuji Dios. ⁶Ito bajiri masa ïna godaroto rioju Dios oca quenarise gotire ña, ïna catitĩnaton. Coriarã iti oca tucõri queno rucubhorã yirãji. Gãjerãma iti ocare rucubhomenaji ïna. Masa jeyaro godarã yirãji sigũ ruyabeto. Ito bajibobarocati ï oca rucubhoana masa jeyaro bajiro godabobarãti ïna ya usijuama Dios rãca catitĩnaro yiroja.

⁷Adi macãrucũro yoari meje jediro yiroja. Ito bajiri jeyaro mani yiroto riojua queno tũoĩa ñaruja manire. Ito yicõri mecure mano tũoĩa ñaruja manire, Diore mani queno busi masitoni. ⁸Gãjerãre mani ti maitĩñaja quena. Iti ña ñasarise. Gãjerãre mani buto ti maija, ïna manire ñeñaro yirisere acabobarã yirãji mani. ⁹Gãjerã mani ya wi ïna ejaja, wanu quenare rãca ïnare boca ãmiruja mani. ïna ba ãmoja, ïna cani ãmoja cuni wanu quenare rãca ïnare cudiruja mani. ¹⁰Jesucristo ñarã ñari manire ti maicõri, jabeto ï masirise manire jidicãni Dios. ï ãmoro bajiro ricati mani moa masitoni ï masirise jidicãni Dios. Ito bajiri Dios manire jidicãre mani moa masirisena gãjerãre ejabuaruja mani. Ito bajiro yiruja mani Diore queno moa ïsirã ñari. ¹¹Dios oca mani queno goti masija, “Queno ya Dios mu. Mu ejabuarisena riojo goti masia yu”, yiruja mani. Ito yicõri gãjerãre mani queno ejabua masija, “Queno ya Dios mu”, yiruja mani. Ito bajiro yiruja mani, Diore gãjerã ïna rucubhuton. Jeyaro mani yirisere ticõri, “Ï ñarãre queno ejabuaami Jesucristo”, yirã yirãji gãjerã Diore rucubhorã. “Ïti ñami rãtoro masigũ. Iti ñami Uju ñasagu. Jeyaro ñarise roti masigũ ñami Dios. Dise ï roti masibiti ruyabea ïre. Iti ñami mani Uju ñatĩñagũ”, yi tũoiasotiruja mani ïja.

**Cristore mani tuorũnurã ñajare ñeñaro mani
tũbujaroca yirã yirãji gãjerã, yire gaye**

¹²Yu mairã tũoya mua. Mani buto tũbujabobarãti buto goroama oca jaibitiruja manire. “¿No yija tũbujati yu?” yi tũoĩbitiruja mani. Mani tũbujabobarãti Jesucristore mani jidicãbeja, “Yure queno tuorũnurã ñama ïna”,

yigu yiguíji Dios. ¹³Ado bajirojua mani yija quena. Jesucristore rúcubhorã ñari ñre bajiro mani tóbujaja queno wanu quenaruja mani. Ito mani yija ñ tudi ejari rumu ñre ticõri queno wanu quenarã yirãji mani. ¹⁴Jesucristore mani tuorũnurã ñajare manire aja tudirã yirãji gãjerã. Ito bajiro manire ña aja tudibojarocati wanu quenarã yirãji mani. Mani tóbujaja manire ejabuagu yiguíji Dios. Mani ya usiju Espíritu Santore Dios ñ queo sãjare queno wanu quena mani ñja. Ito bajiri tóbujarãti wanu quena mani. Dios ñami mani rúcubhogu. Gãjerãma ñre rúcubhomenati ñre ñeñaro busiama ña. ¹⁵No gãjerãre siaguti, tóbujagu yiguíji. No gãji ya gajeoni riniguti, tóbujagu yiguíji. No ñeñaro yiguti, tóbujagu yiguíji. No gãjerãre oca meniguti, tóbujagu yiguíji. Ñnare bajiro mani yija, tóbujarã yirãji mani cuni. Itire mua ñeñaro yire amobeia yu. ¹⁶Ito bajibojarocati Jesucristo ñarã ñari mani tóbujaja bojori bujabitiruja manire. Ado bajirojua yiruja mani Diore. “Queno ya Dios mu. Mu Macu Jesucristo yagu yu ñaroca yure yiyija mu. Itire buto wanua yu”, yiruja mani Diore.

¹⁷Adocãta Jesucristore tuorũnurã ñabojarãti tóbujaja mani cuni. Jesucristore tuorũnurã ñabojarãti mani tóbujaja, ¿no bajiro tóbujarã yirãjida Dios ocare tuorũnumena? Manire bajiroti buto busa tóbujarã yirãji ña. ¹⁸Itire gotigu ado bajiro ucayiju Diore goti ñsiri masu: “Dios masoana queno yi uyarã ñabojarãti ña tóbujaja, ¿no bajiro tóbujarã yirãjida ñeñaro yi uyarã? Ado bajiro baja. Diore tuorũnumenati buto busa tóbujarã yirãji ña”, yi gotia Dios oca. ¹⁹Itire masicõri quenarise riti yitĩnaruja manire. Tóbujarã ñabojarãti, “Iti ña Dios ñ amõrise”, yi tuoĩacõri, quenarise riti yiruja manire. Dios manire rujeoru, manire jidicãbiquíji. Ito bajiri tóbujarã ñabojarãti Diore tuorũnurã yirãji mani. “Ñ yiado bajiroti yure codegu yiguíji Dios”, yi tuoĩacõri, ñre tuorũnuruja mani.

Cristore tuorũnurãre Pedro ñ goti quenore gaye

5 ¹Adocãta mua Jesucristore masisuoanare busigu ya yu. Mua ña Jesucristo ñarãre tirũnuri masa. Yu cuni ñ ñarãre tirũnuguti ña. Cristo ñ tóbujaja tigorũ ña yu. Ito yicõri mani Uju Jesucristo ñ tudi ejari rumu ti wanugũ yiguja yu cuni mua rãca. Mua Jesucristore masisuoana tuoia mua. Ado bajiro muare busigu ya yu. ²Jesucristo ñarãre mani tirũnutoni manire cuni Dios. Ito bajiri ñ ñarãre queno tirũnuruja manire. Tere mano wanu quenare rãca ñnare tirũnuruja manire. Ito yicõri, “¿Ñe waja bujagu yigujada yu?” yi tuoĩabitiruja mani. Ado bajirojua mani tuoĩaja quena. “Dios ñ amoro bajiro cudi amoa yu. Ito bajiri ñ ñarãre tirũnugũ yiguja yu”, yi tuoĩaja quena. ³“Ña uju ña yu. Ñnare seoro roticuja yu”, yi tuoĩabitiruja mani. Ado bajirojua mani yija quena. Dios ñ amoro bajiro quenarise yiruja mani. Ito mani yija mani yiro bajiroti quesoĩacõri, Dios ñ amoro bajiroti yirã yirãji mani tirũnurã cuni. ⁴Ito bajiri Jesucristo mani Uju ñ tudi ejari rumu mani queno yirisere tuoia bujagu yiguíji ñ. Ito yicõri manire waja yirocu, “Yu rotiro bajiroti yicu mu. Mure wanua yu”, yigu yiguíji manire. Ito bajiri ñ rãca wanu quenatĩnarã yirãji mani.

⁵Mamarã adocãta mũare busia yũ. Jesucristore masisũoanare rũcũbũoya mũa. Ito yicõri ñnare queno cũdiya. Mani jeyaro gãmeri rũcũbũocõri gãmeri ejabũarũja manire. Itire gotigũ ado bajiro ucayijũ Diore goti ñsiri masũ:

“Gãjerã rẽtoro quenagũ ña yũ”, yirãre ti tujabeami Dios. Ito bajibojarocati, “Gãjerãre rũcũbũocõri ñnare ejabũa ãmoa yũ”, yi tũoĩarãre wanũami Dios. Ñnare ti maicõri ñnare queno ejabũagu yigũiji Dios, yi gotia Dios oca.

⁶Ito bajiri Diore rũcũbũocõri ado bajiro mani tũoĩaja quena. “Rẽtoro masigũ ñami Dios. Jeyaro ñ yirise cũdicũja yũ”, yi tũoĩarũja manire. Ito bajiro yirũja manire, ija ñ ãmori rũmũ ñ tũ queno ñasagũre bajiro manire ñ cũtoni. ⁷Mani tũoĩa oca jaija, ito yicõri manire oca iti ñaja, Diore gotirũja mani. Manire ti maicõri manire ejabũagu yigũiji Dios.

⁸Mecũre mano mani queno tũoĩa ñaja quena. Ito yicõri rũmũa tũjũ Satanásre mani cũdibitoni queno tũoĩariti ñarũja mani. Ñ ñami mani wajacũ. Yaire bajiro yami ñ Satanás. Tũoĩate mũa. No ñ ba ãmogũreti sũarocũ wa ucũami yai cũni. Ito yicõri ñ awasãja, jeyaro gãna ñre tũocõri ñre gũĩama. Ito bajiroti guijoro yami Satanás cũni. Manire ruyurio ãmogũ yami ñ. Ito bajiri Diore mani jidicãtoni manire rũoami Satanás. ⁹Ito ñ yibojarocati Diore jidicãmenaji mani ñre bũto busa tũorũnrã. Mani sigũti tũbũjabea. Jesucristore tũorũnrã cũni jeyaro manire bajiroti tũbũjama. Iti masicõri Jesucristore jidicãbitirũja manire. Ito yicõri Satanásre cũdibitirũja manire. ¹⁰Manire bũto ti maiami Dios. Ito bajiri mani tũbũjaja, “Biyaro tũbũjabicũja yũ. Yũre ejabũagu yigũiji Dios”, yi tũoĩa mani. Bũto busa Cristore mani queno tũorũnrũroca yigũ yigũiji Dios. Manire beseñi Dios ñ rãca mani catitũñatoni. Ito bajiri ñ Macũ Jesucristona sũoriti manire masoñi Dios. ¹¹“Ñti ñami tũjũ ñasagũ. Jeyaro ñarise roti masigũ ñami ñ. Dise ñ roti masibiti ruyabea. Ñti ñami mani tũjũ ñatũñagũ”, yi tũoĩasotirũja manire ñja.

Quenajaro masa, Pedro ñ yi ñũcare gaye

¹²Adi paperacãnati mũare yũ goti masitoni yũre uca ñsiami Silvano. Jesucristore queno tũorũnrũgũ ñ ñajare yũ ocabajire bajiro tia yũ ñre. Iti tũocõri mũa oca sũotoni adi oca mũare gotia yũ. Ito yicõri, “Riti ña. Manire bũto ti maiami Dios”, mũa yi masitoni, adi oca mũare gotia yũ. Ito bajiri iti oca tũocõri Diore bũto busa tũorũnrũña mũa.

¹³Ado Babiloniajũ ñagũ adi papera mũare cõa yũ. Ado gãna Cristore masirã, “Quenajaro”, yicoama mũare. Dios beseana ñama ñna cũni mani roboti. Yũ macũ bajiro bajigũ Marcos, “Quenajaro”, yicoami mũare.

¹⁴Gãmeri ti maicõri wanũre rãca jababaya mũa. Ito yicõri, “Queno ñña mũ”, wanũre rãca gãmeri yiya mũa.

Mũa Jesucristore tũorũnrã sigũre bajiro mũa usi cũti ñare ãmoa yũ. Itocõ ña.